

২০

তোমার পতাকা যারে দাও, তা'রে
বহিবারে দাও শক্তি ।
তোমার সেবার মহৎ প্রয়াস
সহিবারে দাও ভক্তি ।
আমি তাই চাই ভরিয়া পরাণ
ছুঃখেরি সাথে ছুঃখেরি ত্রাণ,
তোমার হাতের বেদনার দান
এড়ায়ে চাহি না মুক্তি ।
দুখ হবে মোর মাথার মাণিক
সাথে যদি যাও ভক্তি ।

যত দিতে চাও কাজ দিয়ো, যদি
তোমারে না দাও ভুলিতে,—
অন্তর যদি জড়াতে না দাও
জাল-জঞ্জাল গুলিতে ।
বাঁধিয়ো আমায় যত খুসি ডোরে,
মুক্ত রাখিয়ো তোমা পানে মোরে,
ধূলায় রাখিয়ো, পবিত্র করে'
তোমার চরণ-ধূলিতে ।
ভূলায়ে রাখিয়ো সংসারতলে,
তোমারে দিয়ো না ভুলিতে ।

নৈবেদ্য

যে পথে ঘুরিতে দিয়াছ ঘুরিব,
যাই যেন তব চরণে !
সব শ্রম যেন বহি লয় মোরে
সকল-শ্রান্তি-হরণে !
দুর্গম-পথ এ ভব-গহন,
কত ত্যাগ শোক বিরহ-দহন,
জীবনে মরণ করিয়া বহন
প্রাণ পাই যেন মরণে !
সন্ধ্যাবেলায় লভি গো কুলায়
নিখিল-শরণ-চরণে !
